

Pestis.

Reip. forma
& Magi-
stratus.

duo millia civium absumsit. Anno cōcccc pestis ibidem triginta hominum millia è medio sustulit. Quum ab Gothis olim magnis cladibus fuisset adfecta, Karolus Magnus Imperator restaurata, mirumque in modum amplificata binos creavit Consules annali imperio, addito centum Patrum Senatu: postea anno cōccxx, ut Volaterranus numerat, vel, ut Blondus, cōcccliv, Decem-viri sunt creati, qui *Antiani* dicebantur. Libertate post anno cōccxcvii ab Imperatore Rudolpho senis auro-
rum nummum millibus, ut auctor est Platina in Vita Honorii IV, redempta, ventum est ad Octo-Viros, qui vulgo *Priori dell' Arti* audiebant, cum Præsede Iustitiæ uno bimestri, qui *Consaloniere di Giustitia* nominabatur. Qua Reip. forma aliquoties conversa atque immutata, tandem auctoritate Karoli V Cæsaris MEDICEIS urbis Dominatus cessit.

Archiepi-
scopus &
Episcopa-
tus.Concilium
Florent.

Archiepiscopus fulget hæc urbs dignitate: cui subsunt *Nepefinus, Castellanus, Montis Falconis, Viterbiensis, Castellanus, Volaterranus, Fesulanus, Zanzanensis vel Lunensis, Sutri, Ortanensis, Cornetanensis, Tuscanensis, Aretinas, Bientinensis, Pistoriensis, Binenfis, Cortonenfis, Balneoregensis, Vibetanus, Castrensis, Perusinus, Lucanus*. Concilium *Florentia* celebratum fuit sub Eugenio IV P. M. maxima Præsulum cum Latinarum, tum Græcarum Ecclesiarum, undique concurrentium, frequentia; præsentem etiam Ioanne Palæologo Imperatorem cum Patriarcha. Testantur partim diploma, quod Græcis Latinisque litteris exaratum, manuque Pontificis & aliorum subscriptum, additis & Eugenii plumbeo, & Imperatoris aureo signis, in Bononiæ Archivo publico servatur: partim Epigraphæ, quæ ad D. Mariæ Novellæ posita, his verbis:

Generali Concilio Florentiæ celebrato post longas disputationes Vnio Græcorum facta est in hac ipsa Ecclesia, die VI Iulii, cōccccxxxi, Præsidente eidem Concilio Eugenio PP. IIII, cum Latinis Episcopis, & Prælatibus; & Imperatore Constantinopolitano cum Episcopis, Prælatibus & Proceribus Græcorum, in copiosissimo numero, sublatisque erroribus in unam eandemque Fidem rectam, quam Romana tenet Ecclesia, consenserunt.

Iesuitarum
Collegium.

Academia.

Florentiæ ignis supplicio adfectus est Hieronymus Savonarola, Theologus, anno cōccccxcviii, Maji xxii. Consequuti sunt Iesuitæ amplissimum in hac urbe Collegium anno cōccclxi. Academiam habet *Florentia* apud omnes Europæ populos celebratissimam. Fundamenta ejus jecit COSMVS MEDICES, Pater Patriæ appellatus. Cæptam magno studio auxit, præclaris avi sui vestigiis insistens, LAVRENTIVS MAGNVS, Princeps Florentinus: quo Duce Homerum in Italiam venisse, scribit Epistola ad ipsum *Marsilius Ficinus*, ab eodem cum Ioanne Argyropylo, Demetrio Chalcondyla, Pico, Angelo Politiano, aliisque doctissimis viris, Florentiam Italia.

évocatus. Bibliothecæ in urbe Florentina sunt sex. Primas *S. Laurentii*, quæ *Medicea* appellatur, à Clemente VII Medice, P. M. DD; adhuc inexplicata. Multi in ea Auctores, præsertim Græci, qui excusi non sunt. Secunda *S. Marci*, LAVRENTII MEDICIS & Nicolai de Nicolis liberalitate & testamento instructa & aucta, Latinis, Græcis, Hebræis, Armenicisque liberis superbiens: aliquot ibi Theologorum Græcorum opera nondum typis mandata. Debentur ei cum aliis multis *Clementis Alexandrini* scripta. Tertia *S. Benedicti*, libros Latinos habens optimos; adjuncta ei Græca, sed exigua. Quarta *S. Crucis* ab Sebastiano de Bacellis cœpta in litteris politioribus, tota Latina, præclara sanè. Quinta in *domo Episcopi*, Latinorum item Auctorum. Sexta denique *Mariæ Novellæ*, tota Latina. *Pandectæ Iuris Civilis*, in membranis emendatissime Latinis litteris scripti, adferuntur religiosissime in Palatio, quod inhabitat Magnus Dux Etruriæ; Pisis Florentiam cum reliqua præda translata. Græca Epistola satis longa illis est præfixa, vetustate penè oblitterata. *Pandectas* hos ab Antiquitate mirifice prædicant Angelus Politianus, Petrus Victorius, Antonius Augustinus, & alii. Ad libri calcem legitur: Ego *Marsilius Ficinus* interfui, dum hoc reperiretur Opus; idque manu propria scripsi; ix Aprilis, anno Domini cōccccxcvi, Petro Bernhardo Bernhardis sedente Vexillifero Iustitiæ. Ab ipso Archetypo plura prælorum ope in orbem Christianum diffusa sunt ante annos aliquot exemplaria: in quibus quotquot hodie litteræ, syllabæ, verba, majoribus typis leguntur expressa, non ipsi autographo, sed Lælii Taurelli diligentia industriaque accepta sunt ferenda. Aequalibus enim & paribus litteris toti illi *Pandectarum* libri sunt conscripti. Vi-

Bibliothecæ.

Pandectæ
Florentinæ.

Viri clari.

rorum singularium multorum genitrix fuit, & est hodie *Florentia*. Dedit inter alios Divorum numero adscriptos *Ioannem Gualbertum*, Sodalitatis Vallis Umbrosæ conditorem; *Bernardum Vmbertum*; *Antoninum Archiepiscopum*, Scriptorem non temendum. Produxit & ævo superiori *Florentia Leonem X*, & *Clementem VII*, Pontifices Maximos. Cardinales habuit plurimos *Albertum Alberti*, *Alemannum Aldimarium*, *Franciscum Soderinum*, *Laurentinum Pucium*, *Nicolaum Pandulphinum*, *Aloysium*, *Rubrium*, *Robertum* & *Antoninum Pucios*, ejusdem *Laurentii Fratrem* & *Nepotem*, *Nicolaum Ardingellum*, *Hippolytum Medicum*, *Ioannem Salviatum*, *Nicolaum Rudolphum* & *Nicolaum Gaddum*. Archiepiscopos, Episcopos, Abbates, aliosque præfules, quos *Florentia* genuit, longum esset referre. Celebriores in eorum numero fuerunt *Angelus Accievulus*, Antistes Patriæ; *Simon Saltarellus*, Oriveti; *Aldobrandinus Cavalcantes*, Archiepiscopus Pisanus. Nati quoque hic viri eruditione scriptisque clari, *Aloysius Marsilius* Philosophus; *Bartholomæus Lapacius*, Theologus; *Leonardus Statius*, *Robertus Bardus*, *Dinus Garbius*, *Theodo-*